

西南文學文獻

第十九卷

中國西南文獻叢書



中國西南文獻叢書·第六輯

西南文學文獻

第十九卷

江苏工业学院图书馆
藏书章

本輯主編：徐希平

田耕宇

副主編：肖燕

鄭慧珍

葉南

編撰：王永波 陳堯 邢金良

劉浪 徐立昕 鄧潔

林洪濤 李廣科 艾晶

張麗豐

本卷目錄

鶴林文集

三

〔南宋〕

吳

泳撰

.....

—

【南宋】吴泳撰

鶴林集

三

《鶴林集》，別集類，南宋吳泳撰。泳字叔永，潼川中江人，寧宗嘉定二年（公元一二〇九年）進士，官累遷吏部侍郎兼直學士院，疏言謹政體，正道揆，厲臣節，綜軍務四事，權刑部尚書，進寶章閣學士，知泉州，以言罷。《宋史》本傳稱所著《鶴林集》，原集卷次不詳，《宋史·藝文志》亦不著錄，久已散佚。四庫館臣據《永樂大典》輯編成《鶴林集》四十卷，詩四卷，文三十五卷，詞一卷。另有《蜀十五家詞》和《疆村叢書》收《鶴林詞》一卷。今用文淵閣《四庫全書》影印，原書版心高二十二點三公分，寬十五點三公分。

欽定四庫全書

鶴林集卷二十五

宋 吳泳 撰

啟

通鄭侍郎啟

瞻五色之雲知有鄭公之人瑞問三奇之戍恍驚葛亮
之天威自單車徑度於玉闕而尺紙未登於籤府每懷
靡及輒誦所聞靖惟南紀之上遊無若西徐之重寄殘
金雖艷尚時肆於逼牆靈夏芳張亦嘗聞於乞狀行險

者妄欲投夫可為之會偷安者則又付之無事之鄉連
鷄固不能以俱棲困獸亦豈容於無備藩籬未固外莫
禦於風寒根本先顛衰難禁於汙下鷹脫鞵則揚去鴈
聞弋則鳴悲既無誠死君上之心卒徇盜弄父兵之態
雖陵夷之有漸亦撫御之失宜漢師忘夙飽之歌楚士
起多寒之歎至問積倉之數殆如宴室之空登首山呼
癸庚梁則無矣循秦嶺當子午憂又甚焉况夫節根之
螟為我頰尾之蠹食苗食心食葉分毫何利於公家剥

足剝辨剝膚八九盡歸於私室顧方衆難塞胃之後當
有良醫洗髓之方然而文俗拘攣人情熬爛加以事權
之錯出因之體統之弗明士臣皁皁臣與本相隸屬身
使臂臂使指焉可支離紛紛與瓢之人落落背劍之議
職分不專則國威衰號令不一則人心疑節制敗於多
門陸相所以論公邊之狀王師衆而無統令公至於喪
諸道之軍凡精神之弗強由脉絡之受病惟開公誠可
以綜萬事惟布威令可以收人心惟章明國法而後黜

陟自由惟改紀軍政而後伸縮如意率籲和於衆感毋
胥動於浮言則不惟保吾蜀以偏安雖以是取中原而
亦可恭惟某官堪輿間氣湖海偉人風範端凝如清廟邃
嚴而莫窺寶藏文章浩博如黃河流轉而突起層瀾雖
嘗編摩宥密之間然喜開濟功名之會月清溢浦頗嗤
溫嶠之燃犀風靜維揚坐却佛狸之飲馬肆疇庸於玉
帳還召對於金門陞之甘泉法從之班渙以堯閣雲章
之直徑從碧落來上青天道國家之德意志慮而致之

民涉山川之險阻艱難而捩其實磔鼠輩於市不言征
西破賊之功去狼貪於民盡還蔡人有生之樂少清紫
遲即近黃扉某粗繡戎夜之書叨竊展年之第侶青衿
於泮水諸公時取其斐然攜綠綺於萬山舊識或為之
莞爾尚幸以一雷之地得托諸半壁之天鵬鷗分殊安
敢援金花之舊事象犀筆在尚能摩崖石之新碑忻忭
惟新敷葉莫喻

謝淮侍郎啟

涉海求安期生之藥渺若津迷薦人得崔大雅之書翕
然價重雖攻玉自它山之石而轉鈞繇大化之工一手
挈提百思感激竊以舉士清朝之彛憲達賢君子之盛
心口不置秦坡老所以見稱於安石願無易介歐陽所
以極論於沂公自雅道之湮微而時情之偏窄居王公
之位者不借其勢負天下之望者莫為之先宜乎隨珠
不免於暗投至寶亦甘於橫棄豈期末俗見此偉賢茲
蓋伏遇某官德宇冲夷禮容瑟憫清文締國織成鸞鳳之

章誇節照人雅有琴龜之興況儲才猶儲父而積士如
積材集成司馬氏之編已經識鑒補拾忠獻王之奏佇
看甄收某敢不强鞭古心以附名德鼓瑟詠春風之煖
紉蘭擷秋珮之香玉汝於成既荷輓推之力從公於邁
尚推補報之心衷所欲言舌難以既

見鄭侍郎啟

篋幙霜寒久被參旗之照柳營春動忽膺雲檄之招卷
收後務之文書趨聽前茅之號令驅車甫到振旅式還

粵稽國朝康定之間訖至南渡建炎之末屢常謀帥少
見行邊獨韓忠獻之經畧西陲與張魏公之控扼北敵
往來絕塞輕車或至於涇原援接諸營疋馬即馳於關
陝一則周覽山河阨塞之勢一則覘知將士虛實之屯
蓋備禦既固則人心安而旌麾自臨則兵氣銳奈何懦
俗弗紹英猷保家寨者安能坐以制人乘皮輿者未免
怯於應敵於諸老收聲之後求一賢制難之才必有偉
流當此大任恭惟某官天姿間出坤揀獨旋填壓三邊定

力若銀山之不動指揮諸將奇籌猶寶藏之弗窮更提
玉帳之弓重踏榆關之雪激犒戍士間斷支途我師初
無犯於秋毫彼界自潛移於數舍帶裘輕緩少清紫邏
之塵佩玉玎玲歸闕碧沙之路某受才不武佐幕何能
偶聯金花榜帖之書遂感碧落仙翁之遇袖無長笛更
吹出塞之愁囊有拙詩尚賦從軍之樂其如陶咏因既
敷葉

賀丞相拜太傅啟

顯奉王言晉升帝傳禮優絕席高於漢制之三公麻未
揚庭散作商霖之一尺矧執操於謙柄力懇避於師垣
德動縉紳光垂史冊恭惟某官忠清而不撓博大而有
容調燮萬機獨妙宰舟之手紉緝百度不言補袞之功
雖光輔於兩朝然永肩於一意既右烈考亦右文母備
著元勲之崇時若保衡有若甘盤親承家學之懿逮手
扶於日轂以身障於河流國無危疑民以寧一偏閱典
彝之舊莫階恩數之隆且留師尚父之班仍宅右臯陶

之任况平治適當於今日而聰明又過於前時非示尊
崇曷國報稱七十杖於朝七十杖於國參諸禮以毋嫌
八千歲為春八千歲為秋尚斯文之未艾某濫陪簪笏
獲聽絲綸街轉綠槐愈近東隅之暖堤搖翠柳須添西
岸之陰誦詠惟新編摩無斁

答曹知丞啟

搗琴柳畔初非彭澤之心覓句松間喜識藍田之面方
下馬龍蔥之日屬持龍板墮之秋未及報章遂成曠禮